

BOLETIN OFICIAL

DEL

OBISPADO DE OSMÁ.

Se publica en días indeterminados, en medio, uno ó más pliegos.

SANCTISSIMI DOMINI NOSTRI**LEONIS**

DIVINA PROVIDENTIA

PAPÆ XIII**EPISTOLA ENCYCLICA**

AD PATRIARCHAS, PRIMATES, ARCHIEPISCOPOS ET EPISCOPOS

UNIVERSOS CATHOLICI ORBIS GRATIAM ET COMMUNIONEM

CUM APOSTOLICA SEDE HABENTES

VENERABILIBUS FRATRIBUS

PATRIARCHIS, PRIMATIBUS, ARCHIEPISCOPIB ET EPISCOPIB UNIVERSIS CATHOLICI

ORBIS GRATIAM ET COMMUNIONEM CUM APOSTOLICA SEDE HABENTIBUS

LEO PAPA XIII

VENERABILES FRATRES

Salutem et Apostolicam benedictionem.

Sancta Dei civitas, quæ est Ecclesia, cum nullis, regionum finibus contineatur, hanc habet vim a Conditore suo inditam, ut in dies magis dilatet *locum tentorii sui, et pelles tabernaculorum suorum* extendat (1). Hæc autem christianarum gentium incrementa, quamvis intimo Sancti Spiritus afflatu auxilioque præcipue fiant. extrinsecus tamen hominum opera humanoque more perficiuntur: decet enim sapientiam Dei, eo modo res universas ordinari et ad metam perducí, qui naturæ

(1) Is. LIV, 2

singularum conveniat. Non unum tamen est genus hominum vel officiorum, quorum ope fiat ad hanc terrestrem Sion novorum civium accessio. Nam primæ quidem partes eorum sunt, qui prædicant verbum Dei: id exemplis et oraculis suis Christus edocuit; id Paulus Apostolus urgebat iis verbis: *Quomodo credent ei quem non audierunt? quomodo autem audient sine prædicante?.... Ergo fides ex auditu, auditus autem per verbum Christi* (1). Istud autem munus ad eos pertinet, qui rite sacris initiati fuerint.—His porro operæ studique non parum afferunt, qui vel auxilia in rebus externis posita suppeditare vel fuis ad Deum precibus cælestia charismata conciliare solent. Quapropter laudantur in Evangelio mulieres, quæ Christo evangelizanti regnum Dei ministrabant *de facultatibus suis* (2), et Paulus testatur, iis, qui Evangelium annuntiant, voluntate Dei concessum esse ut Evangelio vivant (3). Pari modo assectatores auditoresque suos Christum ita iussisse novimus: *Rogate Dominum messis, ut mittat operarios in messem suam* (4): primosque Rius alumnos, Apostolis præeuntibus, ita supplicare Deo consuevisse: *Da servis tuis cum omni fiducia loqui verbum tuum* (5).

Duo hæc munia quæ in largiendo supplicandoque consistunt, cum perutilia sunt ad regni cælorum fines latius proferendos, tum illud habent proprium, ut ab hominibus cuiuslibet ordinis expleri facile queant. Quis enim est aut tam tenui fortuna, ut exiguam dare stipem, aut tantis rebus occupatus, ut pro nuntiis sacri Evangelii Deum obsecrare aliquandiu prohibeatur? Huiusmodi vero præsidia adhibere semper viri apostolici consueverunt, nominatim Pontifices romani, in quos christianæ fidei propagandæ maxime incumbit sollicitudo: tametsi non eadem perpetuo ratio fuit hæc subsidia comparandi, sed varia et diversa, pro varietate locorum temporumque diversitate.

Cum ætate nostra libeat ardua quæque coniunctis plurimorum consiliis et viribus aggredi, societates passim coire vidimus, quarum nonnullæ etiam ob eam causam sunt initæ, ut provehendæ in aliquibus regionibus religioni prodessent. Eminent autem inter ceteras pia consociatio ante anno fere sexaginta Lugduni in Galliis coalita, quæ a *propagatione fidei* nomen accepit. Hæc primum illuc spectavit, ut quibusdam in America missionibus opem ferret: mox tamquam granum sinapis in arborem ingentem excrevit, cuius rami late frondescent, adeoque ad missiones omnes, quæ ubique terrarum sunt, actuo-

(1) Rom. X. 14, 17.

(2) Luc. VIII, 3.

(3) I Cort. IX, 14.

(4) Matth. IX, 38, Luc. X, 2.

(5) Act. IV, 29.

sam beneficentiam porrigit. Præclarum hoc institutum celeriter Ecclesie Pastoribus probatum fuit et luculentis laudum testimoniis honestatum. Romani illud Pontifices Pius VII, Leo XII, Pius VIII, Decessores Nostri et commendarunt vehementer et Indulgentiarum donis ditaverunt. Ac multo etiam studiosius fovit, et plane caritate paterna complexus est Gregorius XVI, qui in encyclicis litteris die XV mensis Augusti anno huius sæculi quadragesimo datis in hanc sententiam de eodem loquutus est: «Magnum sane opus et sanctissimum, quod modicis oblationibus et quotidianis precibus a quolibet sodalium ad Deum fuis sustinetur, augetur, invalescit, quodque Apostolicis operariis sustentandis, christianæque charitatis operibus erga neophytos exercendis, nec non fidelibus ab impetu persecutionum liberandis inductum bonorum omnium admiratione atque amore dignissimum existimamus. Nec sine peculiari divinæ providentiæ consilio tantum commodi atque utilitatis Ecclesie nuperri- mis hisce temporibus obvenisse censendum est. Dum enim omni- gena inferni hostis machinamenta dilectam Christi sponsam laces- sunt, nihil illi opportunius contingere poterat, quam ut desiderio propagandæ catholicæ veritatis Christifideles inflammati iunctis studiis, collataque ope omnes Christo lucrifacere conarentur.» Hæc prolocutus, Episcopos hortabatur, sedulo agerent in sua quisque Diocesi, ut tam salutare institutum nova quotidie incrementa caperet. — Neque a vestigiis Decessoris sui deflexit gloriosæ recordationis Pius IX, qui nullam prætermisit occasionem iuvandæ societatis meritissimæ, ejusque prosperitatis in maius provehendæ. Revera auctoritati eius ampliora pontificalis indulgentiæ privilegia in socios collata sunt, excitata ad eius operis subsidium christianorum pietas, et præstantissimi e sodalium numero, quorum singularia merita constitissent, variis honorum insignibus decorati; demum externa aliquot adiumenta, quæ huic instituto accesserant, ad eodem Pontifice ornata laude et amplificata sunt.

Eodem tempore æmulatio pietatis effecit, ut binæ aliæ societates coalescerent, quarum altera a *sacra Iesu Christi infantia*, altera *Scholis Orientis* nuncupata est. Priori propositum est tollere et ad christianos mores educere infantes miserrimos, quos desidia vel egestate compulsi parentes inhumaniter exponunt, præsertim in Sinesium regionibus, ubi plus est huius barbaria moris usitata. Illos itaque peramanter excipit sodalium charitas, pretioque interdum redemptos christianæ regenerationis lavacro abluendos curat, ut scilicet vel in Ecclesie spem. Deo iuvante, adolescant, vel saltem morte occupatis sempiternæ felicitatis potiundæ facultas præbeatur. — Sollicita est de adolescentibus alia, quam commemoravimus, societas, omnique

industria contendit. ut ii sana doctrina imbuantur, studetque prohibere fallacis pericula scientiæ, ad quam proni persepæ illi feruntur ob improvidam discendi cupiditatem. = Ceterum utraque sodalitas antiquiori illi, cui a fidei propagatione nomen est, adiutricem operam præbet, et stipe precibusque christianarum gentium sustentata ad idem propositum amico fœdere conspirat; omnes enim eo intendunt, ut evangelicæ lucis diffusionem quamplurim, ab Ecclesia extorres veniant ad agnitionem Dei. Numque colant, et quem misit Iesum Christum. Meritis proinde laudibus, velut innuimus, hæc duo instituta, datis Apostolicis litteris, ornavit Pius IX Decessor Noster, iisque sacras Indulgentias liberaliter est elargitus.

Itaque cum tria sodalitia tam certa Pontificum maximorum gratia floruerint, cumque opus singula suum studio concorditer urgere nunquam desierint, uberes edidere salutis fructus, Congregationi Nostræ de propaganda fide haud mediocriter attulere subsidium et levamen ad sustinenda missionum onera atque ita vigere visa sunt, ut lætam quoque spem facerent in posterum segetis amplioris. At vero tempestates plures ac vehementes, quæ adversus Ecclesiam excitatæ sunt in regionibus iam dudum evangelica luce illustratis, detrimentum intulerunt iis etiam operibus, quæ sunt ad barbaras gentes excolendas instituta. Etenim multæ causæ extiterunt, quæ sociorum numerum liberalitatemque minuerent. ; Et sane cum passim opiniones prævæ spargantur in vulgus, per quas mundanæ felicitatis appetitio acuitur, cœlestium autem bonorum spes abiicitur, qui ab iis expectetur, qui animo ad excogitandas, corpore ad capiendas voluptates utuntur? ; Huiusmodi homines precesne fiant, quibus exoratus Deus populos sedentes in tenebris ad divinum Evangelii lumen victrici gratia adducat? ; Istine sacerdotibus pro fide laborantibus ac dimicantibus supplicia ferant? Restrictiores porro fieri ad magnificentiam animos etiam piorum hominum temporis improbitate oportuit, partim quod abundante iniquitate refrigit multorum charitas, partim quod rerum privatarum angustia, publicarum motus (iniecto etiam metu peioris ævi) plures in retinendo tenaces, parciores ad largiendum effecerunt.

Multiplex contra gravisque necessitas Apostolicas missiones premit atque urget, cum sacrarum operariorum copia efficiatur quotidie minor; neque abreptis morte, senio confectis, labore attritis præsto sunt qui succedant pares numero et virtute. Religiosas enim familias, unde plures ad sacras missiones prodibant, infensis legibus dissociatas cernimus, clericos ab aris avulsos et onus militiæ subire coactos, bona utriusque cleri fere ubique publicata et proscripita — Int-rim aditu ad alias plagas patefacto quæ videbantur imperviæ, crescente locorum et gentium notitia, aliæ atque aliæ quæsitæ sunt expeditiones mili-

tum Christi, novæque stationes consitutæ: ideoque plures desiderantur, qui se iis missionibus devoveant, et tempeſtiva conferant subsidia. — Difficultates omittimus et impedimenta a contradictionibus oborta. Sæpe enim viri fallaces, satores errorum, simulant Apostolos Christi, humanisque præſidiis affatim instructi munus catholicorum sacerdotum prævertunt, vel deficientium loco subrepunt, vel posita ex adverso cathedra docentis obsistunt, satis se assequutos rati, si audientibus verbum Dei aliter ab aliis explicari ancipitem faciunt salutis viam. Utinam non aliquid artibus suis proficerent! Illud certe deſtendum, quod ii vel ipsi, qui tales magistros aut fastidiunt aut prorsus non noverunt, puramque veritatis lucem inhiant, sæpæ hominem non habeant, a quo sana doctrina erudiantur et ad Ecclesiæ sinum invitentur. Vere parvuli petunt penem, et non est qui fragat eis; regiones albæ sunt ad messem, et hæc quidem multa, operarii autem pauci. pauciores forsân propidiam futuri.

Quæ cum ita sint, Venerabiles Fratres, Nostri muneris esse ducimus, piis studiis charitativæ christianorum admovere stimulos, ut qua precibus, qua largitionibus sacrarum missionum opus iuvare et fidei propagationi favere contendant. Cuius rei quanta sit præstantia, cum bona ostendunt quæ illi proposita sunt, tum quæ inde percipiuntur compendia et fructus. Recta enim tendit sanctum hoc opus ad gloriam divini nominis et Christi regnum amplificandum in terris; incredibiliter autem beneficam est iis, qui e vitiorum cœno et umbra mortis evocantur, et præterquam quod salutis sempiternæ compotes fiunt, ab agresti cultu ferisque moribus ad omnem civilis vitæ humanitatem traducuntur. Quin etiam iis ipsis est valde utile ac fructuosum, quorum in eo aliquæ sunt partes, cum spirituales illis divitias comparet, præbeat materiam meriti, et Deum quasi beneficii debitorem adstringat.

Vos igitur, Venerabiles Fratres, in partem sollicitudinis Nostræ vocatos etiam atque etiam hortamur, ut concordibus animis apostolicas missiones sedulo vehementerque adjuvare Nobiscum studeatis, fiducia in Deum erecti et nulla difficultate deterriti. Salus agitur animorum, cuius rei causa Redemptor Noster animam suam possuit, et Nos Episcopos et sacerdotes dedit in opus sanctorum, in consummationem corporis sui. Quare retenta licet ea statione gregisque custodia quam cuique Deus commissit, summa ope nitamur, ut sacris missionibus ea præſidia suppetant quæ a primordiis Ecclesiæ in usu fuisse commemoravimus, scilicet Evangelii præconium, et piorum hominum eam preces tam eleemosynæ.

Si quos ergo noveritis divinæ gloriæ studiosos et ad sacras expeditiones suscipiendas promptos et idoneos, his addite animos, ut ex-

plorata compertaque voluntate Dei, non acquiescant carni et sanguini, sed Spiritus Sancti vocibus obtemperare festinent.—A reliquis autem sacerdotibus, a religiosorum virorum utriusque sexus ordinibus, a cunctis denique fidelibus curæ vestræ concreditæ magnopere contendite, ut nunquam intermissis precibus cæleste auxilium satoribus divini verbi concilient. Deprecatores autem adhibeant Deiparam Virginem, quæ valet omnia errorum monstra interimere; purissimum eius Sponsum, quem plures missiones iam sibi præstitem custodemque adsciverant, et nuper Apostolica Sedes universæ Ecclesiæ Patronum dedit; Apostolorum Principes agmenque totum, unde profecta primum Evangelii prædicatio omni terrarum orbe personuit; ceteros demum præclaros sanctitate viros, qui in eodem ministerio absumpsere vires, vel vitam cum sanguine profuderunt.—Precationi supplici eleemosyna accedat, cuius quidem ea vis est, ut vel loco dissitos et alienis curis distentos apostolicorum virorum adiutores, eorumque cum in laborando tum in bene merendo socios efficiat. Tempus quidem est huiusmodi, ut plures premat rei familiaris inopia; nemo tamen idcirco animum despondeat: stipis enim, quæ in hanc rem desideratur, collatio nulli ferme potest esse gravis, quamvis e multis in unum collatis satis grandia queant parari subsidia. Vobis autem, Venerabiles Fratres, commonentibus, unusquisque consideret, non iacturæ sed lucro suam sibi liberalitatem futuram, quia feneratur Domino qui dat indigenti, eaque de causa ars eleemosyna dicta est omnium artium quæstuosissima. Revera si, ipso Iesu Christo auctore, non perdet mercedem suam qui uni ex minimis eius poculum dederit aquæ frigidæ, amplissima profecto merces illum manebit, qui insumpto in sacras missiones ære vel exiguo, precibusque adiectis, plura simul et varia charitatis opera exercet, et quod divinorum omnium divinissimum sancti Patres dixerunt, adiutor fit Dei in salutem proximorum.

Certa fiducia nitimur, Venerabiles Fratres, eos omnes qui catholico gloriantur nomine, hæc reputantes animo et orationibus Vestris incensos; minime defuturos huic, quod Nobis tantopere cordi est, pietatis officio; neque passuros studia sua in amplificando Iesu Christi regno, eorum sedulitate et industria vinci, qui dominatum principis tenebrarum propagare nituntur.—Interea piis christianarum gentium coeptis Deum propitium adprecantes, Apostolicam benedictionem, præcipuæ benevolentiae Nostræ testem, Vobis, Venerabiles Fratres, Clero et populo vigilantiae Vestræ commisso peramanter in Domino impertimus.

Datum Romæ apud S. Petrum die III Decembris A. MDCCCLXXX,
Pontificatus Nostri Anno Tertio.

LEO PP. XIII.

A su tiempo recibimos la comunicacion siguiente:

JUAN IGNACIO, POR LA MISERICORDIA DIVINA,
 DEL TÍTULO DE SANTA MARÍA DE LA PAZ DE LA S. R. I.,
 PRESBITERO CARDENAL MORENO, ARZOBISPO DE TOLE-
 DO, PRIMADO DE LAS ESPAÑAS, CANCELLER MAYOR
 DE CASTILLA, CAPELLAN MAYOR DE LA REAL IGLESIA
 DE SAN ISIDRO DE LA VILLA DE MADRID, CABALLERO
 GRAN CRUZ DE LA REAL Y DISTINGUIDA ÓRDEN ESPA-
 ÑOLA DE CÁRLOS III Y DE LA AMERICANA DE ISABEL LA
 CATÓLICA, COMISARIO GENERAL DE LA SANTA CRUZA-
 DA, Y DEMAS GRACIAS PONTIFICIAS EN TODOS LOS
 DOMINIOS DE S. M., ETC., ETC.

*A vos, nuestro Venerable hermano en Cristo Padre Ilmo. Sr
 Obispo de Osma. Salud y gracia en Nuestro Señor Jesucristo.*

Por cuanto la Santidad de Pio IX, de feliz memoria, se dignó prorogar con fecha cuatro de Diciembre de mil ochocientos setenta y siete por el tiempo de doce años la Bula de la Santa Cruzada, y por diez la del Indulto cuadragesimal, bajo las bases, de que el producto de las limosnas se habia de destinar á las atenciones del culto divino, y de que los Sres. Obispos fuesen Administradores natos sin dependencia alguna laical, en sus respectivas Diócesis

Por tanto, daréis las disposiciones que creias convenientes, para que en vuestra Iglesia Catedral sea recibida dicha Santa Bula y publicada con la solemnidad que corresponde, á cuyo objeto os remitimos el adjunto Sumario de las facultades, indulgencias y privilegios otorgados por aquella concesion Apostólica. Asimismo dispondréis, que los Sres. Curas Párrocos de vuestra Diócesis hagan la Predicacion en el tiempo y forma que sea de costumbre y para que las personas que nombráreis para la expedicion de Sumarios y coleccion de limosnas, se arreglen á las instrucciones que les diereis.

La limosna que está señalada por cada clase de Sumarios, es la que en los mismos se expresa; á saber: Por la Bula de Ilustres, *cuatro pesetas cincuenta céntimos*. Por la comun de Vivos, *setenta y cinco céntimos de peseta*. Por la de Difuntos, *setenta y cinco céntimos de peseta*. Por la de Composicion, *una peseta quince céntimos*. Por la de Lacticinios de primera clase, *seis pesetas setenta y cinco céntimos*. Por la de segunda clase, *dos pesetas veinticinco céntimos*. Por la de tercera, *una peseta quince céntimos*. Por la de cuarta clase,

cincuenta céntimos. Por la de Indulto cuadragesimal de primera clase, *nueve pesetas.* Por la de segunda clase, *tres pesetas.* Por la de tercera clase, *cincuenta céntimos.*

Y como quiera que desde la predicacion de mil ochocientos setenta y cinco se ha venido dispensando al respetable Clero Catedral, Colegial y Parroquial, de tomar las Bulas, que por su categoría y rentas les corresponden, en atencion á la carencia de recursos en que se encontraba por efectos de los acontecimientos pasados, y toda vez que el percibo de las asignaciones, hace tiempo que se ha mejorado considerablemente, no obstante el descuento que queda en favor del Tesoro, y además, teniendo presente, que el ingreso de Cruzada por desgracia, cada año es menor en la mayor parte de las Diócesis, si bien permitimos por el presente año, que tomen las Bulas de comun de Vivos en vez de la de Ilustres, los que por su categoría y dignidad estuviesen obligados á llevarlas, deben no obstante tomar las de Lacticinios é Indulto cuadragesimal, que les correspondan con arreglo á sus asignaciones y rentas *efectivas*; no siendo nuestro ánimo, que se consideren dispensados de las de Ilustres los Sres. Eclesiásticos, que por razon de sus bienes de fortuna, empleos ó comisiones, vivieren desahogadamente.

Dado en Madrid á veintisiete de Noviembre de mil ochocientos ochenta.

Juan Ignacio Cardenal Moreno, *Arzobispo de Toledo.*—Por mandado de Su Emcia. Rma. el Cardenal Comisario general de la Santa Cruzada, *Nanuel Calderon Sanchez Presbitero Secretario.*—*Ilmo. Sr. Obispo de Osma.*

Donativos para socorrer las necesidades del Romano Pontífice,
ó sea DINERO DE S. PEDRO.

Suma anterior. 23,164. 69.

El Ilmo. y Rmo. Sr. Obispo por Noviembre y Diciembre de 1880 y Enero de 1881 300 rs.—D. Pelayo Ruiz por id. 30—D. Manuel de Roa, párroco de Sta. María de Aranda de Duero por los meses Agosto, Setiembre, Octubre. Noviembre y Diciembre 100—D. Enrique Hernando, párroco de San Juan de Aranda de Duero por id. 40—D. Modesto Gil, Pbro. por id. 60.

Suma. 23,694. 69.

(Se continuará.)